

ЎТМИШГА НАЗАР

3 ЖИЛД, 1 СОН

ВЗГЛЯД В ПРОШЛОЕ

ТОМ 3, НОМЕР 1

LOOK TO THE PAST

VOLUME 3, ISSUE 1



TOSHKENT-2020

Бош муҳаррир:
Главный редактор:
Chief Editor:

Мургазасва Раҳбар Хамидовна
тарих фанлари доктори, профессор,
Ўзбекистон Миллий Университети

Бош муҳаррир ўринбосари:
Заместитель главного редактора:
Deputy Chief Editor:

Джураева Нилуфар Далибаевна
тарих фанлари номзоди, доцент,
Ўзбекистон Жаҳон Тиллари Университети

"Ўтмишга назар" журнали тахририй маслаҳат кенгаши
редакционный совет журнала "Взгляд в прошлое"
Editorial Board of the Look to the past

Кебадзе Мадонна

*Доктор исторических наук, Телавский
государственный университет (Грузия)*

Бурдиашвили Майя

*Доктор исторических наук, Телавский
государственный университет (Грузия)*

Кожакеева Ляззат Темировна

*тарих фанлари доктори, доцент,
Хотин-қизлар давлат педагогика университети,
Қозоғистон Республикаси*

Сагдуллаев Анатолий Сагдуллаевич

*тарих фанлари доктори, профессор, академик,
Ўзбекистон Миллий Университети*

Бобожонова Дилором Бобожонова

*тарих фанлари доктори, профессор, Ўзбекистон
Жаҳон Тиллари Университети*

Зияева Доно Хамидовна

*тарих фанлари доктори, профессор,
ЎЗР ФА Тарих институти*

Аширов Адҳам Азимбаевич

*тарих фанлари доктори, профессор,
ЎЗР ФА Тарих институти*

Агзамова Гулчехра Азизовна

*тарих фанлари доктори, профессор,
ЎЗР ФА Тарих институти*

Халикова Раҳбар Эргашевна

*тарих фанлари доктори, профессор, Тошкент
давлат техника университети*

Ишанходжаева Замира Райимовна

*тарих фанлари доктори, профессор в.б.,
Ўзбекистон Миллий Университети*

Кобзева Ольга Петровна

*тарих фанлари доктори, профессор в.б.,
Ўзбекистон Миллий университети*

Одилов Аброр Анварович

*тарих фанлари номзоди, доцент, Ўзбекистон
Миллий университети*

Ерметов Аваз Абдуллаевич

*тарих фанлари номзоди, доцент, Ўзбекистон
Миллий Университети*

Саипова Камола Давляталиевна

*тарих фанлари номзоди, доцент, Ўзбекистон
Миллий Университети*

Джоробекова Айнура Эшимбековна

*тарих фанлари номзоди, профессор, Тошқи
ишлар вазирлиги қошидаги Дипломатия
академияси, Қозоғистон Республикаси*

Ульжаева Шохистахон Мамажоновна

*тарих фанлари доктори, Тошкент Кимё -
Технология Институтида*

Саҳифаловчи: Хуршид Мирзахмедов

Контакт редакций журналов. www.tadqiqot.uz

ООО Tadqiqot город Ташкент,
улица Амир Темура пр.1, дом-2.

Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz

Tadqiqot LLC The city of Tashkent,
Amir Temur Street pr.1, House 2.

Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000

МУНДАРИЖА \ СОДЕРЖАНИЕ \ CONTENT

1.Муртазаева Раҳбар, Адиллов Аббор, Саипова Камола ЎРТА ОСИЁДА ТОЛЕРАНТЛИК ТАМОЙИЛИНИНГ ШАКЛЛАНИШИ ВА РИВОЖЛАНИШИ (ҚАДИМГИ ВА ИЛК ЎРТА АСРЛАР МИСОЛИДА).....	4
2.Эргашева Юлдуз ЎЗБЕКИСТОНДА "МАДАНИЙ ИНҚИЛОБ" СИЁСАТИ ВА УНИ АМАЛГА ОШИРИШ УСУЛЛАРИ.....	22
3.Абдуллаев Диёржон АМИР ТЕМУР ВА ТЕМУРИЙЛАР ДАВРИДА ХАЙРИЯ ВА ҲОМИЙЛИК ФАОЛИЯТИ.....	30
4.Bakhtiyorzoda Oydinhon ZAMONAVIY BOSQICHDA O'ZBEKISTON OLTIN QAZIB OLIISH SANOATINI RIVOJLANTIRISH ISTIQBOLLARI.....	37
5.Комилов Ойбек ФАРҒОНА ВОДИЙСИДА СУҒОРИШ ИШЛАРИНИНГ ПАХТАЧИЛИКНИ РИВОЖЛАНТИРИШГА ЙЎНАЛТИРИЛГАНЛИГИ ВА УНИНГ ОҚИБАТЛАРИ (XX АСРНИНГ 50-70-ЙИЛЛАРИ МИСОЛИДА).....	42
6.Маткаримов Хамиджон ХОРАЗМ ВОҲАСИДА ҚАДИМГИ ДАВРГА ОИД АРХЕОЛОГИК ТАДҚИҚОТЛАРИНИНГ АСОСИЙ ЙЎНАЛИШЛАРИ.....	49
7.Махмудов Бехзод ҚАРЛУҚ-ҚОРАҲОНЛАР ДАВЛАТИНИ ЮЗАГА КЕЛИШИНИНГ ИЖТИМОЙ-СИЁСИЙ ОМИЛЛАРИ.....	59
8.Рузматова Шаходат ҚЎҲОН ХОНЛИГИ ҲУДУДИДАГИ ШАҲАРЛАР ВА АҲОЛИНИНГ ГЕОГРАФИК ЖОЙЛАШУВИ.....	66
9.Ҳамаев Нодирбек ТУРКИСТОНДА СОВЕТ ҲОКИМИЯТИГА ҚАРШИ ҚУРОЛЛИ ҲАРАКАТ ("YENI TÜRKİSTAN" ВА "YAŞ TÜRKİSTAN" МАТЕРИАЛЛАРИ АСОСИДА).....	72
10.Тажимирзаев Элёрбек ФАРҒОНА ВОДИЙСИ ҚИШЛОҚ ЎҚИТУВЧИЛАРИНИНГ МАДАНИЙ-МАИШИЙ ТУРМУШ ТАРЗИ МАСАЛАЛАРИ (1960-1980 ЙИЛЛАР).....	79
11.Эгамбердиева Нигора АМУДАРЁНИНГ ҚУЙИ ОҚИМИДА СУНЪИЙ СУҒОРИШ ТИЗИМИНИНГ ШАКЛЛАНИШ ТАРИХИ ВА УНИНГ ЎЗИГА ХОС ЖИҲАТЛАРИ (МИЛ.АВВ.VIII- МИЛОДИЙ IV АСРЛАР).....	85
12.Абдулхай Гулчехра ТУРКИСТОН АССР: ҚАНДАЙ ДАВЛАТ БЎЛИШИ КЕРАК ЭДИ?.....	96


ЎТМИШГА НАЗАР ВЗГЛЯД В ПРОШЛОЕ LOOK TO THE PAST

Маткаримов Хамиджон

Урганч давлат университети Тарих кафедраси ўқитувчиси

ХОРАЗМ ВОҲАСИДА ҚАДИМГИ ДАВРГА ОИД АРХЕОЛОГИК ТАДҚИҚОТЛАРНИНГ АСОСИЙ ЙЎНАЛИШЛАРИ

For citation: Matkarimov Hamidjon. MAIN DIRECTIONS OF ARCHAEOLOGICAL STUDIES OF ANCIENT PERIOD IN THE KHOREZM OASIS. Look to the past. 2020, vol. 1, issue 3, pp. 49-58

 <http://dx.doi.org/10.26739/2181-9599-2020-1-6>

АННОТАЦИЯ

Мазкур илмий мақолада Хоразм воҳасида ўтган асрнинг 50-30 йилларида олиб борилган археологик тадқиқотлар очиб берилган. Хоразм воҳасининг қадимги қалъалари, уларнинг меъмери қиёфаси ва мушофаа иншоотлари ҳақида маълумотлар таҳлил этилади. Шунингдек, бу борада изланишлар олиб борган бир қанча археолог олимлар қарашларига таянган ҳолда илмий хулосалар чиқарилган.

Калит сўзлар: Хоразм, археологик тадқиқотлар, Тупроққалъа, Қизилқалъа, неолит даври, Сувёрган маданияти, Қуйи Амударё.

Маткаримов Хамиджон

преподаватель исторического факультета
Ургенчского государственного университета

ОСНОВНЫЕ НАПРАВЛЕНИЯ АРХЕОЛОГИЧЕСКИХ ИССЛЕДОВАНИЙ ДРЕВНЕГО ПЕРИОДА В ХОРЕЗМСКОМ ОАЗИСЕ

АННОТАЦИЯ

В данной научной статье рассматриваются археологические исследования в Хорезмской оазисе в 50-30-е годы прошлого века. Анализируются сведения о древних крепостях Хорезмского оазиса, их архитектурном облике и оборонительных сооружениях. Также, на основе мнений нескольких ученых-археологов, сделаны научные выводы.

Ключевые слова: Хорезм, археологические раскопки, Тупруккала, Кызылкала, неолит, Сурярганская культура, Нижняя Амударья.

Matkarimov Hamidjon

Lecturer, Department of History, Urgench State University

MAIN DIRECTIONS OF ARCHAEOLOGICAL STUDIES OF ANCIENT PERIOD IN THE KHOREZM OASIS

ABSTRACT

This scientific article discusses archaeological research in the Khorezm oasis in the 50-30s of the last century. The information about the ancient fortresses of the Khorezm oasis, their architectural appearance and defenses is analyzed. Also, based on the opinions of several archaeological scientists, scientific conclusions have been drawn.

Index Terms: Khorezm, archaeological site, Tuprukkala, Kyzylkala, Neolithic, Suryargan culture, Lower Amudarya.

1. Долзарблиги:

Қадимги Хоразм тарихи ва маданиятига оид айрим маълумотлар "Авесто", юнон-рим тарихчилари ва ўрта асрлар муаллифларнинг (Мақдисий, Беруний, Казвиний ва бошқ.) асарларида ҳамда Хива хонлигида бўлган сайёҳатчилар, элчилик ва дипломатик миссиялар аъзоларининг ҳисоботларида ёритилган.

Ёзма манбалар асосида XIX асрнинг 70-йилларидан бошлаб, Фарбий Европада нашр қилинган асарларда Хоразм тарихига доир баъзи бир масалалар (тарихий география ва Хоразм атамасининг этимологияси, қадимги Хоразм тили ва дини ҳақида қисқа маълумотлар) ўз аксини топган [1].

XVIII аср - XIX асрнинг биринчи ярми мобайнида Россия ва Хива хонлиги ўртасида иқтисодий алоқаларнинг кенгайиб бориши натижасида, ўзаро элчилик миссиялар билан алмашиб туриш кенг йўлга қўйилган [2]. XIX асрда Хоразмга юборилган Россия элчилари ҳамда Хивага сайёҳат қилган венгер шарқшуноси А. Вамбери томонидан йиғилган маълумотлар Хива хонлигини ўрганишда муҳим манба бўлиб хизмат қилди [3]. 1873-йилда Россия армияси Хивани босиб олишга тайёргарлик кўриги пайтида, Хоразм воҳасининг географик, этнографик ва тарихий-маданий жиҳатдан ўрганиш мақсадида режа ишлаб чиқилди [4].

2. Методлар ва ўрганилганлик даражаси:

Илмий мақолада манбалар ва масала тарихшунослигини очиб бериш, таққослаш, илмий қарашлар ва ёндашувларнинг қиёсий таҳлили, тарихий маълумотларни умумлаштириш ва холислик тамойиллари усулларида фойдаланилган.

Ўрта Осиёда ибтидоий жамоа тузуми ва илк давлатчилик тарихи манбалари, уруғ жамоаси тузуми тарихининг ўрганилиши натижалари ва илк давлатчилик тарихшунослиги масалалари алоҳида даврларга ажратилган ҳолда бир қанча археолог олимлар ишларига асосланган ҳолда очиб берилган.

3. Тадқиқот натижалари:

Россия империяси Хива хонлигида ўз ҳукмронлигини ўрнатилгандан кейин рус мутахассислари (ҳарбийлар, топографлар, географлар, рассомлар) асарларида Хива хонлиги сарҳадини геологик ва геоморфологик тузилиши, ҳудуддаги фойдали қазилмалар, транзит савдо йўллари ҳамда шу йўллар бўйлаб жойлашган шаҳар ҳаробалари ва қалъалари ҳақида маълумотлар ўрин олди. Улар топографик хариталарда қайд қилинди ҳамда алоҳида археологик ва меъморий обидаларнинг расмлари тасвирланди.

Шу боис Норинжонқалъа, Тупроққалъа ва Қизилқалъа тўғрисида маълумотлар[5], Чилпиқ топографик тузилиши, Султон Увайс Говурқалъасининг мудофаа тизимига илк бор таъриф берилган [6]. Шунингдек нашрларда Аёзқалъа, Думанқалъа ва Катта Гулдурсун ёдгорликлари мудофаа тизими тарихига оид маълумотлар ўз аксини топган [7]. Султон Увайс тоғидаги табиий бойликларни текшириш жараёнида Жампиққалъа тўғрисидаги маълумотлар қайд этилган [8] ва алоҳида мақолада Чилпиқ мудофаа девори ҳақида тарихий далиллар ўрин олди [9].

XX аср бошлари ишларида Катта Гулдурсун ва Қизилқалъа ёдгорликлари ҳамда Оқчадарё ҳавзасидаги Эресқалъа, Аёзқалъа ва Қизилқалъанинг мудофаа тизими тасвирланган [10].

Қадимги Хоразм маданияти тарихига оид А.Л.Кун, Н.И.Веселовский ва К.А.Иностранцевнинг асарларини қайд этиб ўтиш лозим [11] .

XX асрнинг бошларигача Хоразм воҳасида тарихий обидалар ўрганилишининг айрим натижалари С. П. Толстов ва М. Е. Массоннинг монографияларида қисқача тавсифланган [12].

Қуйи Амударё худудларида археологик ёдгорликлар ўрганилиши илк босқичлари тарихининг баъзи масалалари Н.Юсупов ва Ю.П.Маниловнинг мақолаларида ёритилди [13].

XIX асрнинг сўнгги чораги ва XX аср бошларида қадимги Хоразм маданияти кузатув ва сўров услуби орқали ўрганилиб, тадқиқотларнинг илмий-назарий асослари ишлаб чиқилмаган, негаки бу даврда Туркистонда мутахассис қадимшунослар деярли йўқ эди, Туркистон археология ҳаваскорлари тўғараги аъзоларига (тўғарак 1895 йили декабрь ойида ташкиллаштирилган) археологик тадқиқотларни олиб бориш учун Россия давлати томонидан маблағ ажратилмаган[14]. Шу тариқа Туркистон археологияси ўлкашунослик даражасида ривож топган.

XX асрнинг 30-йилларига келиб Хоразм воҳаси ривоятлари, этнография ва археология материалларини мақсадли йиғиш масаласи рўёбга чиқарилди. 1928-1929 йилларда А. Ю. Якубовский Кўҳна Урганч ва Хўжайли атрофидаги Миздақхон шаҳар ҳаробаларида дастлабки археологик ишларни амалга оширди [15].

1936 йили Хоразм воҳасида Я. Фуломов бошчилигида археологик тадқиқотлар бошланди. Улар ҳақида 1936 йили ташкил қилинган Хоразм археологик экспедицияси раҳбари С. П. Толстов шундай ёзган: "1936 йилда тошкентлик археологлар Я.Фуломов ва Т.Мирғиёсовлар экспедицияси Манғит қишлоғи яқинидаги Кубатов тепалигидан янги эранинг I минг йиллиги ўрталарига мансуб зардуштийлик қабристонини топиб, биринчи марта қадимий исломга қадар Хоразм ёдгорлигига дуч келдилар.

1937 йили Я. Ф. Фуломов Жанубий Қорақалпоғистоннинг "қадимда суғорилган ерлари" ва археологик қозишмаларини қайтадан бошлади ва ўрта асрларга мансуб Гулдурсун ва Норинжон шаҳар ҳаробаларини ҳамда Шаббоз яқинидаги Пилқалъанинг янги эранинг дастлабки асрларига мансуб баҳайбат ҳаробаларини текшириб чиқди.

Ўша йили худди шу жойда бизнинг экспедициямиз ҳам иш бошлади" [16].

Я.Ф. Фуломовнинг археологик ишларини С.П.Толстов томонидан ижобий баҳолаш сабаблари шундаки, XX асрнинг 30-йилларигача қадимги Хоразм, яъни исломга қадар бўлган даврга оид биронта ёдгорлик археологик жиҳатдан ўрганилмаган бўлиб, бу борада Кубатов ва Пилқалъада амалга оширилган

тадқиқотлар дастлабки кашфиётлар эди.

Хоразм археология экспедициясининг ташкил қилиниши (1945 йилдан-археологик - этнография экспедицияси) Ўрта Осиё илмий ҳаётида катта воқеа бўлди. Ўтган асрнинг 30 - йиллари ўрталарида минтақа халқлари тарихини ёзиш вазифаси илгари сурилди. Мазкур масалани ечиш жараёни археология маълумотларини йиғиш мақсади билан чамбарчас боғланди [17].

Хоразм экспедициясининг ишлари дастлабки археологик қидирув тадқиқотлардан бошланди. Бу ишлар 1937 йилда А.И.Тереножкин томонидан амалга оширилган [18]. Кейинги уч йил мобайнида турли даврларга оид (неолит, бронза, илк темир асри, антик даври) бугунги кунда жаҳон археологияси машҳур ёдгорликлар - Жонбос 4, Кузалиқир, Жонбосқалъа, Тўпроққалъа ва бошқалар кашф этилди [19].

1948 йилда С.П.Толстовнинг "Древний Хорезм" ("Қадимги Хоразм") ва "По следам древнехорезмийской цивилизации" (Ўзбек тилидаги бу асар "Қадимги Хоразм маданиятини излаб" номида илова билан тўлдирилган ҳолда 1964 йилда чоп этилди) деган монографиялари нашр қилинди [20].

Мазкур монографияларда Қадимги Хоразм маданияти, ҳунармандчилик, меъморчилик, санъат соҳаларига тегишли фанда номаълум бўлган кўпдан-кўп материаллар илк бор тавсифланди. Шунингдек, Хоразм воҳаси ижтимоий-иқтисодий ва сиёсий тарихи бўйича фикр - мулоҳазалар билдирилди ҳамда ўрганилган археологик ёдгорликлар алоҳида маданий мажмуалар сифатида қўйидаги даврларга ажратилди:

I. Ибтидоий Хоразм:

1. Калтаминор маданияти - мил.авв. IV - III мингйилликлар.
2. Тозабог'ёб маданияти - мил.авв. II мингйиллик.
3. Амиробод маданияти - мил.авв. I мингйилликнинг биринчи ярми.

II. Антик Хоразм:

1. "Деворлар ичида одам яшайдиган шаҳарлар" маданияти. Аҳамонийлар даври - мил. авв. VI - IV асрлар.
2. Қанғуй маданияти. Эллинистик даври - мил.авв. IV аср - милодий I аср.
3. Кушон маданияти. Рим даври. Милодий II-III асрлар.
4. Кушон-африғийлар маданияти. III-V асрлар. Хоразм антик маданиятининг инқироzi.

III. Ўрта асрлар даври Хоразм:[21]

Қадимги Хоразм тарихи бўйича С.П.Толстовнинг илмий қарашлари ўз даври учун янгилик бўлган. Уларнинг баъзи бирлари тадқиқотчилар томонидан қабул қилиниб қувватланган, бошқалари эса кейинчалик қайта кўриб чиқилди.

Иккинчи жаҳон урушидан сўнг Хоразм экспедициясининг тадқиқотлари кенг қулоч ёйиб, янги услубий асосда олиб борилди ва комплекс мазмунга эга бўлди. Экспедиция ишларида турли соҳа мутахассислари - археологлар, этнографлар, антропологлар, географлар, геоморфологлар, тупроқшунослар ва рассомлар - санъатшунослар иштирок этишди.

Шунингдек, Хоразм экспедициясида жаҳон археологияси тажрибасида илк бор қадимги ёдгорликларни аэросуратда олиш усули амалга оширилди [22].

XX асрнинг 50 - йилларига келиб, Ўрта Осиё археологиясининг умумий йўналишлари сифатида ибтидоий жамоа тузуми (тош даври) ёдгорликларини ўрганиш, қадимий зироатчилар ва чорвадорларнинг манзилгоҳларини кашф этиш ҳамда қадимий ирригация-сунъий суғориш иншоотларини ўрганиш муҳим муҳим

вазифага айланди [23]. Айнан шу пайтда, Ўзбекистоннинг турли вилоятларида пахтачиликни кенг ривожлантириш мақсадида бўз ерларини ўзлаштириш масаласи рўёбга чиқарилган эди. Шу боис қадимги сугорилиш ерларида археологик изланишлар, янги ирригация тизимини барпо этиш билан шуғулланган геологлар, геоморфологлар ва муҳандис - ирригаторларга амалий жиҳатдан кўмаклашган [24].

1957 йилда Хоразм сугорилиши тарихига бағишланган Я.Ф. Фуломовнинг фундаментал монографияси нашр қилинди [25]. Мазкур асар ҳозирда ҳам ўз илмий аҳамиятини йўқотмаган ва кўп жиҳатдан муҳим манба бўлиб хизмат қилади.

Калтаминор маданияти деб аталган Хоразм неолит даври маданиятига оид дастлабки ёдгорлик Жонбосқалъа 4 макони 1939 йилда топилган. Бу макон С.П.Толстов томонидан катта конуссимон синчли кулба (майдони 26x17 м) кўринишида тикланган. Эҳтимол, шунга кўра, тадқиқотчи ўз монографиясида Хоразм воҳаси неолит даврига нисбатан, шартли равишда, "Балиқчилар чайлалари даври" деган сарлавҳани ишлатган [26].

Жонбосқалъа 4 маконининг ички тузилишининг ўзига хослиги жиҳатдан ажралиб туради. Кулбанинг марказида айланаси бир метрча келадиган ўчоқ жойлашган. Бош ўчоқнинг атрофи бўйлаб овқат пиширадиган қатор ўчоқлар бўлган. Уларнинг ёнида тошдан ва суякдан ишланган тош қуроллар, сопол идишлар парчалари, ёввойи қушлар ҳамда балиқ суяклари (чўртан, лаққабалиқ) топилган. Натижада, Ўрта Осиё археологиясида илк бор неолит даврига оид катта уруғ жамоасига тегишли уй-жой текширилди. Тахминан бу маконда 100-120 кишидан иборат уруғдош жамоаси истиқомат қилган [27].

Иккинчи жаҳон урушидан илгари ва урушдан кейинги йилларда Ўрта Осиёда тадқиқотлар олиб борган археология экспедициялари олдида турган долзарб илмий масала ислом динидан аввалги даврда минтақанинг ижтимоий-иқтисодий тузуми тарихи эди. Ўз пайтида С.П. Толстовнинг ёзишича, Ўрта Осиё халқлари "юксак ва ўзига хос маданият яратган бўлиб, уларнинг тарихи, айниқса, қадимги давр ёзма манбаларда жуда кам ёритилган. Бу маданиятларнинг ислом динидан аввалги даврдаги ижтимоий - иқтисодий базаси характерининг ўзи ноаниқ бўлиб келмоқда"[28]. Шу боис 1945-1950 йилларда антик даври ёдгорликлари Эллиққалъа туманида жойлашган Тупроққалъада (1945-1950 йиллари), Тўрткўл туманидаги Қўйқирилганқалъа ва Кофирқалъада (1951-1957 й.) ҳамда Шимолий Туркманистонда (Тошҳовуз вилояти), Қалъалиқир 1, Қалъалиқир 2 ва Кўзалиқирда кенг археологик тадқиқотлар амалга оширилган [29].

1950-1956 йиллари мобайнида Хоразм экспедициясининг илмий тадқиқотлар режасида Амударёнинг қадимий ўзанлари тарихи ва палеогеографияси муаммоларини ўрганиш алоҳида аҳамият касб этиб, мазкур мавзу Амударё қадимий ўзанлари - дельталарининг шаклланишини ва ривожланиши, дарёнинг Узбой ўзани орқали Каспий денгизга қуйилиши масаласи билан боғланди. Бу тадқиқотларда С.П.Толстов, А.С. Кесь, М.А. Итина, Б.В. Андрианов, Т.А. Жданко, О.А. Вишнева ва Н.Н. Вактурская иштирок этганлар.

Натижада, Қуйи Амударёнинг турли тарихий даврларда ривож топган қадимий ўзанлари ўрганилди, жумладан, Жанубий Оролбўйи худудларида Оқчадарё ва Оролбўйи ўзанлари - дельталари, ҳозирги Шимолий Туркманистон ерларидан ўтган Довдон ва Дарёлиқ ўзанлари (Сариқамишбўйи дельтаси) ҳамда Сариқамиш кўлидан бошланиб, Каспий денгизга оқиб қуйилган Узбой ўзани [30]. Бу тадқиқотларда ҳаводан археологик ёдгорликларнинг жойлашишини аниқлаш,

авиақидирув ва аэрофото (аэросурат) усули[31] ҳамда жойлардаги археологик-топография услубидан кенг фойдаланилганлиги туфайли геоморфологик ва археологик хариталар тузилиб, Жанубий Оролбўйидан Сарикамиш ва Узбойнинг қуйи қисмига қадар кенг ҳудудларда янги археологик материалларни олишга эришилди [32].

Қадимги даврларда ҳозирги Шўраҳон атрофларида бошланган шимолий йўналишдаги Амударёнинг Оқчадарё ўзани (узунлиги 75 км) соҳилларини инсон томонидан ўзлаштириш жараёни мураккаб тарихга эга. Неолит даврида - мил. авв. V-IV минг йилликларда Жанубий Оқчадарё дельтасининг соҳилларида қадимий балиқчилар ва овчилар зич жойлашиб, бу даврда, Калтаминор маданиятига оид маконлар вужудга келган.

Оқчадарё ўзани қирғоқларида Тозабогёб маданияти ёдгорликлари қаторида бронза даври Сувёрган маданияти маконлари (Жонбос 6, Қамишли) аниқланган. Я.Ф.Фуломов Сувёрган маданияти келиб чиқиш жиҳатдан Калтаминор маданиятининг ривожланиш давоми - мероси сифатида тавсифлаб, у маҳаллий илдизларга эга бўлганлигини уқтириб ўтган [33].

С.П.Толстов, аксинча, Сувёрган маданиятининг Хоразм воҳасида пайдо бўлишини янги этник гуруҳлар, Эроннинг шимоли-шарқидан кўчиб келган қабилалар билан боғлаган [34]. Бироқ, кейинчалик, сувёрганликлар маҳаллий аҳоли вакиллари эканлиги, янги археологик материаллари асосида исботлаб берилди. Шунингдек, Оқчадарё ўзани бўйлаб бронза, илк темир ва антик даврларга оид кўп сонли ёдгорликлар аниқланди.

4.Хулосалар:

Хулоса қилиб айтганда, XIX асрнинг сўнгги чорагида ва XX аср бошларида Хоразм воҳасида тарих ва этнография бўйича қўлга киритилган материаллар турли соҳа мутахассислари (география, геодезия, тупроқшунослик, зоология) ва ҳарбий муҳандислар ишларида қўшимча маълумотлар сифатида баён этилган (бу маълумотлар, кўп ҳолларда қадимиётга, тарихга қизиқиш сабабли йиғилган), мазкур давр шарқшуносларнинг тадқиқотлари эса махсус муаммоли мавзулардан йироқ бўлиб, илмий усулларга асосланмаган эди.

XX асрнинг 30-йилларида бошланган дастлабки археологик тадқиқотлар ва Хоразм археология экспедициясининг ташкил этилиши тарих фани соҳасида катта воқеа бўлди. Экспедиция ўз ишларини мақсадли археологик изланишларидан бошлаб, кейинги йилларда тадқиқотлар Хоразм воҳаси доирасидан чиқиб, кенг ҳудудларни қамраб олди (Қуйи Сирдарё, Қизилқум, Узбой ўзани). Экспедициянинг дастлабки изланишлари ва кашфиётлари таниқли олимлар - С.П.Толстов, Я.Ф.Фуломов, С.А.Ершов ва А.И.Тереножкинлар илмий фаолияти билан боғлиқ бўлди

Изчил археологик тадқиқотлар Хоразм воҳаси тарихининг даврлаштириш, воҳа ҳудудларини инсон томонидан ўзлаштириш хусусиятлари, уй-жойлар қурилиши, хўжалик шакллари ва моддий маданиятнинг ривожланиши, деҳқончилик ва чорвачилик тарихи, ибтидоий жамоа тузумидан илк давлатчилик муносабатларига ўтиш, иқтисодий-маданий алоқалар каби муҳим масалаларни ўрганишга имкон яратди.

Иқтибослар/Сноски/References

[1] Sachau E. Zur Geschichte und chronologie von Khwarizm // Sitzungsberichte

der philosophischen Classe der kais. Akademie der Wissenschaften. - Wien, 1873. - S.473; Kiepert H. Lehrbuch der alten Geographie. - Berlin 1878. - S. 60 - 62; Tomaschek W. Chorasmia // Pauly's Real Encyclopaedie der klassischen Altertums wissenschaft. Bd. 3. -Stuttgart, 1894. - S. 2406.

[2] Гуломов Х. Дипломатические отношения государств Средней Азии с Россией в XVIII - первой половине XIX века. - Ташкент: Фан, 2005. - С. 219-261.

[3] Путешествие в Туркмению и Хиву в 1819-1820 гг. Капитана Николая Муравьева, посланного в эти страны для переговоров. - М., 1822. Ч. I. - 179 с.; Ч. 2. - 144 с. (Travel to Turkmenistan and Khiva in 1819-1820 Captain Nikolai Muravyov, sent to these countries for negotiations. - M., 1822. Part I. - 179 p.; Part 2.)

[4] Вопросы, предлагаемые географическим обществом при исследовании Хивинского ханства...в географическом, этнографическом и культурно-историческом отношениях // Известия Русского географического общества. - СПб., 1873. Кн. IX. - С. 43-73. (Issues proposed by the geographical society in the study of the Khiva khanate ... in geographical, ethnographic and cultural-historical relations / / Bulletin of the Russian Geographical Society. - SPb., 1873. Book. IX. - S. 43-73.)

[5] Кун А.Л. Поездка по Хивинскому ханству в 1873 г. // Записки Русского географического общества. Т.Х. - СПб., 1874.- С.17-58.(Kuhn A.L.A trip to the Khiva Khanate in 1873 // Notes of the Russian Geographical Society. T. Kh. - SPb., 1874. - S. 17-58.)

[6] Каульбарс А.В. Низовья Амударьи, описание по собственным исследованиям в 1873 г. // Записки Русского географического общества. Т. 9.- СПб., 1881. - 320 с. (Kaulbars A.V. The lower reaches of the Amu Darya, a description of their own research in 1873 // Notes of the Russian Geographical Society. T. 9.- SPb., 1881.)

[7] Богданов М.Н. Очерки природы Хивинского оазиса и пустыни Кызылкум. - Ташкент, 1881. - С. 54; Иванин М.И. Хива и река Амударья. - СПб., 1873. - С. 37-39. (Bogdanov M.N. Essays on the nature of the Khiva oasis and the Kyzylkum desert. - Tashkent, 1881. - S. 54; Ivanin M.I. Khiva and the Amu Darya River. - St. Petersburg, 1873.)

[8] Барбот де Марни Н.П. О геологических исследованиях в Амударьинском крае // Записки Русского географического общества. Т. 9. - СПб., 1875. - С. 114-115. (Barbot de Marni N.P. On geological research in the Amudarya Territory // Notes of the Russian Geographical Society. T. 9. - SPb., 1875. - S. 114-115.)

[9] Россикова А.Е. По Амударье от Петро - Александровска до Нукуса // Русский вестник. - СПб., 1902, август. - С. 641-643. (Rossikova A.E. On the Amu Darya from Petro - Alexandrovsk to Nukus // Russian Bulletin. - SPb., 1902, August. - S. 641-643.)

[10] Герасимовский А.М. Древности Хивы и Амударьинского отдела // Исторический вестник. - СПб., 1909 (Вып. XVII, сентябрь). - С. 971-973; Димо Н.А. Почвенные исследования в бассейне р. Амударья. - М., 1913. - С. 20-21, 36-38. (Gerasimovsky A.M. Antiquities of Khiva and Amudarya Department // Historical Bulletin. - St. Petersburg, 1909 (Issue XVII, September). - S. 971-973; Dimo N.A. Soil research in the river basin Amu Darya. - M., 1913. - S. 20-21, 36-38.)

[11] Кун А.Л. Культура низовьев Амударьи // Материалы для статистики Туркестанского края. - СПб., 1876. Вып. IV. - С. 237-257; Веселовский Н. Очерк историко-географических сведений о Хивинском ханстве. От древнейших времен до настоящего. - СПб., 1877; Иностранцев К.А. О домусульманской культуре Хивинского оазиса. - СПб., 1911. - С. 2-29. (Kuhn A.L. Culture of the Lower Amu

Darya // Materials for Statistics of the Turkestan Territory. - SPb., 1876. Issue. IV. - S. 237-257; Veselovsky N. Essay on historical and geographical information about the Khiva Khanate. From ancient times to the present. - St. Petersburg, 1877; Foreigners K.A. About the pre-Islamic culture of the Khiva oasis. - SPb., 1911. - S. 2-29.)

[12] Толстов С.П. Қадимги Хоразм маданиятини излаб.- Тошкент: Фан, 1964. - Б. 19-20.; Массон М.Е. Средневековые торговые пути из Мерва в Хорезм и в Мавераннахр // Тр. ЮТАКЭ. Т. XIII. - Ашхабад, 1966. - С. 202, 217-218. (Tolstov S.P. Hadimghi Khorasm Madaniyatini is weak. - Toshkent: Fan, 1964. - B. 19-20 .; Masson M.E. Medieval trade routes from Merv to Khorezm and Maverannahr // Tr. Utake. T. XIII. - Ashgabat, 1966. - S. 202, 217-218.)

[13] Юсупов Н. Из истории археологического изучения низовьев Амударьи // Археология Приаралья.- Ташкент: Фан, 1984. Вып. II. - С. 3-8; ўша муаллиф. К истории археологического изучения Южной Каракалпакии // Археология Приаралья. -Ташкент: Фан, 1986. Вып. III. - С. 3-11; Маньлов Ю. П. К изучению городища Кят // Вестник Каракалпакского филиала АН УзССР. - Нукус, 1966. №2. - С. 51. (Yusupov N. From the history of archaeological study of the lower reaches of the Amu Darya // Archeology of the Aral Sea region. - Tashkent: Fan, 1984. Issue. II. - S. 3-8; Our muallif. On the history of the archaeological study of South Karakalpakia // Archeology of the Aral Sea region. - Tashkent: Fan, 1986. Vol. III. - S. 3-11; Manylov, Yu. P. On the study of the settlement of Kyat // Bulletin of the Karakalpak branch of the Academy of Sciences of the Uzbek SSR. - Nukus, 1966. No. 2. - S. 51.)

[14] Курбанова Д. Ш. Хоразм воҳасининг қадимги ва илк ўрта асрлар маънавий маданияти. - Тошкент: А. Навоий номидаги Ўзбекистон Миллий кутубхонаси нашриёти, 2015. - Б. 54. (Kurbanova D. Sh The ancient and early medieval spiritual culture of the Khorezm oasis. - Tashkent: A. Published by the National Library of Uzbekistan named after Navoi, 2015.)

[15] Толстов С.П. Қадимги Хоразм маданиятини излаб. - Тошкент: Фан, 1964. - Б. 32-33. (Tolstov S.P. In search of ancient Khorezm culture. - Tashkent: Science, 1964. - B. 32-33.)

[16] Толстов С.П. Қадимги Хоразм маданиятини излаб... Б. 32-33. (Tolstov S.P. In search of ancient Khorezm culture. - Tashkent: Science, 1964. - B. 32-33.)

[17] Толстов С.П. По древним дельтам Окса и Яксарта. - М.: ИВЛ, 1962. - С. 5-6; Итина М.А. Хорезмская экспедиция - основные итоги и перспективы исследований // Культура и искусство древнего Хорезма. - М.: Наука, 1981. - С. 4. (Tolstov S.P. According to the ancient deltas of Oks and Yaksart. - M.: IVL, 1962. - S. 5-6; Itina M.A. Khorezm expedition - the main results and prospects of research // Culture and art of ancient Khorezm. - M.: Nauka, 1981. -S. 4.)

[18] Тереножкин А.И. Археологические разведки в Хорезме // СА. - 1940. Т., VI. - С. 168-189. (Terenzhkin A.I. Archaeological Intelligence in Khorezm // SA. - 1940.T., VI. - S. 168-189.)

[19] Толстов С.П. Хорезмская экспедиция (предварительный отчет) // КСИИМК. - М., 1940. Вып. VI. - С. 70-79; ўша муаллиф. Древности Верхнего Хорезма (Основные итоги работ Хорезмской экспедиции ИИМК. 1939 г.) // ВДИ. - М., 1941. №1. - С. 155-184. (Tolstov S.P. Khorezm expedition (preliminary report) / / KSIIMK. - M., 1940. Issue. VI. - S. 70-79; the same author. Antiquities of Upper Khorezm (The main results of the Khorezm expedition ИМК. 1939) // VDI. - M., 1941. No. 1. - S. 155-184.)

[20] Толстов С.П. Древний Хорезм. Опыт историко-археологического

исследования. - М.: МГУ, 1948. -352 с.; ўша муаллиф. По следам древнехорезмийской цивилизации. - М. -Л.: АН СССР, 1948. - 328 с. (Tolstov S.P. Ancient Khorezm. The experience of historical and archaeological research. - М.: MSU, 1948. -352 p.; Our muallif. In the footsteps of the ancient Khorezm civilization. - М. -L.: Academy of Sciences of the USSR, 1948. - 328 p.)

[21] Толстов С.П. Древний Хорезм. Опыт историко-археологического исследования... С. 32-33. (Tolstov S.P. Ancient Khorezm. The experience of historical and archaeological research. - М.: MSU, 1948. -P.32-33).

[22] Итина М.А. Хорезмская экспедиция - основные итоги и перспективы исследований // Культура и искусство древнего Хорезма. - М.: Наука, 1981. - С. 5. (Itina M.A. Khorezm expedition - the main results and prospects of research // Culture and art of ancient Khorezm. - М.: Nauka, 1981. - S. 5.)

[23] Жданко Т.А., Итина М.А. Второе среднеазиатское совещание археологов и этнографов // СЭ, 1957. №2. - С. 146-163. (Zhdanko T.A., Itina M.A. The second Central Asian meeting of archaeologists and ethnographers // SE, 1957. No. 2. - S. 146-163.)

[24] Толстов С.П., Андрианов Б.В. Новые материалы по истории развития ирригации в Хорезме // КСИЭ. Вып. XXVI, 1957. - С. 5-11. (Tolstov S.P., Andrianov B.V. New materials on the history of the development of irrigation in Khorezm // KSIE. Vol. XXVI, 1957. - С. 5-11.)

[25] Гулямов Я.Г. История орошения Хорезма с древнейших времен до наших дней. - Ташкент: Фан, 1957. -313с.; ўша муаллиф. Хоразмнинг суғорилиш тарихи. - Тошкент: Фан, 1959. - 324 б. (Gulyamov Ya.G. The history of the irrigation of Khorezm from ancient times to the present day. - Tashkent: Fan, 1957. -313c.; the same author.. Horazmning suғorilish tarihi. - Toshkent: Fan, 1959.- 324 b.)

[26] Толстов С.П. Древний Хорезм. Опыт историко-археологического исследования... С. 59.

[27] Толстов С.П. Қадимги Хоразм маданиятини излаб. - Тошкент: Фан, 1964. - Б. 74-78.

[28] Толстов С.П. Қадимги Хоразм маданиятини излаб... Б. 347. (Tolstov S.P. In search of ancient Khorezm culture. - Tashkent: Science, 1964. - 347p.)

[29] Толстов С.П. Қадимги Хоразм маданиятини излаб... Б. 189-191; (Tolstov S.P. In search of ancient Khorezm culture. - Tashkent: Science, 1964. - В. 32-33.) ўша муаллиф. Работы Хорезмской археолого - этнографической экспедиции 1951-1954 гг. // Вопросы истории. - М., 1955. №3. - С. 176-177. (The works of the Khorezm archaeological - ethnographic expedition 1951-1954. // Questions of history. - М., 1955. No. 3. - S. 176-177.)

[30] Толстов С.П., Кесь А.С. История первобытных поселений на протоках древних дельт Аму-Дарьи и Сыр-Дарьи // Вопросы географии. - М. - Л., 1956. - С. 327-336. (Tolstov S.P., Kes A.S. The history of primitive settlements on the channels of the ancient delta of Amu - Darya and Syr - Darya // Problems of Geography. - М. - L., 1956. - S. 327-336.)

[31] Игонин Н.И. Применение аэрофотосъемки при изучении археологических памятников // Археология и естественные науки. - М.: Наука, 1965. - С. 257-260. (Igonin N.I. The use of aerial photography in the study of archaeological sites // Archeology and natural sciences. - М.: Nauka, 1965. - S. 257-260.)

[32] Низовья Амударьи, Сарыкамыш, Узбой. История формирования и заселения // МХЭ. - М., 1960. Вып. 3. -348 с. (The lower reaches of the Amu Darya,

Sarykamysh, Uzboy. The history of formation and settlement // МСЕ. - М., 1960. Issue. 3. -348 p.)

[33] Фуломов Я.Ф. Хоразмнинг суғорилиш тарихи. - Тошкент: Фан, 1959. - Б. 55-56. (Gulyamov Ya.G. The history of irrigation in Khorezm. - Tashkent: Science, 1959. - В. 55-56.)

[34] Толстов С.П. Итоги двадцати лет работы Хорезмской археолого-этнографической экспедиции (1937-1956) // СЭ. - М., 1957. №4. - С. 41; Толстов С.П., Итина М.А. Проблема Суярганской культуры // СА. - М., 1960. - С. 14-35 (Tolstov S.P. The results of twenty years of work of the Khorezm archaeological - ethnographic expedition (1937-1956) // SE. - М., 1957. No. 4. - S. 41; Tolstov S.P., Itina M.A. The problem of Suyargan culture // SA. - М., 1960. -S.14-35.)

ЎТМИШГА НАЗАР

ВЗГЛЯД В ПРОШЛОЕ

LOOK TO THE PAST

№1 (2020)

Контакт редакций журналов. www.tadqiqot.uz

ООО Tadqiqot город Ташкент,
улица Амир Темура пр.1, дом-2.

Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz

Tadqiqot LLC The city of Tashkent,
Amir Temur Street pr.1, House 2.

Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000